

EA FEDERASION C.O.I.S.P. “PICTURES CORPORATION”

ea presenta:

BIANCO, ROSSO E VERD.....ONE

Dal titeo se podaria pensar a un seguito del famoso film del bravissimo ator e regista dell’omonimo coeor, o, anca a ‘na storia dea nostra bea e cara bandiera, invesse no, stà storia ea parla de tre disgrasiai de cavaetti de fero che i xe drio passar un brutto quarto d’ora.

EA TRAMA:

Ghe xe tre disgrasiai de cavaetti de fero, quei che de soito i comuni i mete drio a e strade par impedir ae machine de parchegiar sui marciapie.

Sti cavaetti i resta butai par un toco, parlemo de anni, desmentegai da tutti soto a un portego a S.Chiaara. Un bel giorno qualchedun se pensa de usarli par impedir el parcheggio selvagio sotto de sto portego.

Aho! Nà roba granda, pena messi so, pareva che i ghe gavesse acceso i riflettori sora!

Fin do giorni prima no i se i c...va nissuni e dopo, pareva che i gavesse tirà su da novo el muro de Berlino.

Vusto vedar che el problema el gera el coeor?

Si, in efetti sto verde scuro intenso el poteva esser scambià par n’altro verde che ghe xe in Questura a Venessia e che el ghe ga cavà el sonno a più de qualchedun.

Insomma dopo un fià de giorni qualchedun armà de carta da vero, peneo, diluente e coeor el se ga messo a scartaverarli e po’ li ga anca incoeorii.

Sti cavaetti insomma da verdi bei come el soe che i gera, smaltai de lucido, co i so catarifrangenti regoeamentari come che vol el codice dea strada, i xe diventai rossi, daea vergogna secondo nialtri.

El beo xe che chel poro omo che el ga fatto el lavoro, el ga da averlo fato co ‘na furia in cueo che ghe ga tocà darghe ea vernise in corsa prima che qualchedun passando de eà li vedesse ancora verdi.

Pecà che gnanca fato ora a netar el peneo, ga scuminsià a piovar, fasendo queo che normalmente ghe fa l’acqua aea vernise fresca.

Insoma, prima i gera verdi e bei da vedar, lucidi, ben visibii de note, insoma un spetacoeo, ‘desso invesse par che ghe sia vegnuo fora ea varicea. Tutti pieni de brose, e come che succede par ea varicea, e brose dopo el periodo de incubasion e se stacca e vien via.

Vedemo se anca vialtri si cussì itneigienti..... Dopo che se staca e brose cossa succede? No, i cavaetti no guarisse, dopo che e se stacca torna fora el verde, come ea bie de qualchedun che non vol vedar chel coeor in giro.

Insomma sora e brose no se pol tacar gnanca l’adesivo catarinfrangente, cossì prima sti pori disgrasiai de cavetti i gera regoamentari anca se de coeor verde, desso, i xe rossi ma no i xe regoamentari, sicchè se qualchedun ghe va dosso parchè no li vede de note e fa danni, paga l’Aministrasion.

Insoma. spetemo de vedar quando che i ghe darà sora anca na man de bianco come che voria e robe segnaetiche par esser più visibii.

Intanto se tornarà fora el verde qualchedun comincerà a sigar che anca questa ea xe nà congiura.....



Come che i gera....



Co i gera scartaverai.....



Come che i xe diventai.....